



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCLXX. De Depraedatione terrae Dobrinensis & occisii LXX.
Lethovinorum.

urn:nbn:de:hbz:466:1-11850

CAP. CCLXVIII.

De

*LXX. Lethovinis occisis in Nat-
tangia.*

Hujus Magistri tempore, anno scilicet Domini MCCCLXXV. Lethovvinorum in autumnno territorium Glottovvia Warmiensi diocesis improvisè intrantes, unam villam incendio destruxerunt occidentes & rapientes, quicquid in ea vivum reppererunt. Quo intellecto, frater Waltherus Goldoni socius, Commendatoris de Brandenburg cum quibusdam armigeris secutus, occupavit viam quam transire debebant, præter quam via alia, propter aquarum inundantiam, non restabat, & consurgens adversum eos, præter tres omnes trucidavit.

CAP. CCLXIX.

De

*Vastatione territorii Castri Ott-
kaim.*

Eodem anno frater Henricus de Dobin & quidam fratres cum ECC. viris intraverunt territorium Castri Ottkaim & combu-
stis sex villis, captis & occisis hominibus, recesserunt. Letho-
vini insequentes ipsos sæpius hostiliter invaserunt, ita quod u-
triusque partis plures fuerunt graviter vulnerati.

CAP. CCLXX

De

*Deprædatione terræ Dobrinensis &
occisi LXX. Lethovvinorum.*

Xx

Hoc

Hoc anno Wenceslaus Rex Bohemiæ fuit in regnum Poloniæ coronatus. Et sex millia Lethovvinorum Ducatum Dobrinensem depopulaverunt, occidendo, capiendo, & quod igni aptum fuit comburendo, & omnia equivia & alia quæ Poloni propter metum Regis prædicti ad dictum Ducatum duxerant, deferebant. De hoc exercitu centum viri præelecti & præsumptuosi fuerunt ausi transire fluvium Drivvance & in terra Colmensi duas villas deprædare, quos fratres cum exercitu suo sequentes compræhenderunt, & LXX. ex eis occidentes, multos Cristianos captos redemerunt. Alii Lethovvini XXX. qui evaserunt dum fugiendo venirent ad exercitum suum & nuntiarent, quæ facta fuerant eis à fratribus, adeò meticulosi facti sunt, & territi, quod nullus alium expectavit, sed cursitando per diem & noctem multi homines & equi perierunt, plures etiam ex eis in fluvio Nave propter pressuram nimiam sunt submersi.

C A P. C C L X X I.

*De**Mirabili factō.*

Hoc tempore in Castro Mergenburg fuerunt frater Hermannus & frater Fridericus, qui tantam inter se charitatem habuerunt, quod unus sine alio vivere non voluit, aut mori. Tandem frater Hermannus leprâ percussus fuit, & Fridericus non longè post cadens de equo expiravit; cujus mors dum in crastino fratri Hermannō nunciaretur, ait: sic non erant pacta nostra, quod ipse prius & ego postea, sed simul deberemus ad æterna gaudia introduci; Et cum esset sine omni infirmitate, præter eam, quam prædixi, advocans Sacerdotem perceptis Ecclesiæ Sacramentis, eodem die in Domino feliciter obdormivit.

CAP.